



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Asiaticae Historiae Societatis Iesv Pars ...**

Libris Quatuor Comprehensa: Vbi praeter res gestas à Patribus Societatis Iesv in conversione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

**Bartoli, Daniello**

**Lvgdvni, 1670**

34. Sciaocei nimius Christ. feruore.

**urn:nbn:de:hbz:466:1-10757**

virtute spatis aberrarent : ad hæc necessaria cum essent verbi Dei, & Sacramentorum præsidia, quæ Sciaocei affixus, suppeditare illis non poterat, dilata complurium expectatione, paucos præ cæteris fide ac moribus cultiores sacro fonte lustravit, in quibus Iosephi filium, singulati parentis voluptate. Post hæc suam Sciaocei repetiturus stationem, multorum relatu cognouit in regni Prouinciis interioribus, de Literatis Europæis in Sinas aduenis, & grandia magnificè iactari, eoque, ac legem quam docebant beatæ ducem immortalitatis, à supremis quoque Mandarinis enixe expeti, qui fructus erat consuetudinis assiduæ, atque in speciem oriofæ, qua Literatos deuinxerat Riccius, ostentatione primum curiosa scientiarum nostratum, diuinatum deinde, salutem & æternitatem spectantium.

Sciaocei deinceps Riccius crescenti paulatim concioni diuina prædicans, selectam collegit Christianitatem, sed pristinæ suæ cæcitati, & idolis adeo iratam, vt plena periculi odia in ea exerceret : nam & soli nonnunquam, & conditò plures, templa furtim ingressi, trunca capite, membrisque simulachra deturbare, comminuere, cremare; quæ deformari, & frangi non poterant, in terram defodere, atque ad eadem variis in temporibus iteranda parati & alacres gaudere, velut ea idolorum strage Deo feliciter licissent, futura omnino authoribus capitali & legi Christianæ, si Christianorum manibus patrata resciretur : quare vt hæc ad Riccium sunt delata, seuerissimo interdictione ægrè quidem, sed tandem inhibuit. Hanc suorum idolorum iniuriam dæmon, in Patres vltus est, etsi longe diuerso quam machinatus fuerat euentu. Erat in eodem nobilitum suburbio, aleatorum contubernium, idemque in furta & latrocinia expeditum; hos rei suæ Bonzij, multique alij censuere opportunissimos vt Patres sua vicinia exturbarent; ad hoc per se vltro ardentibus incitant, vt eorum ades spoliarent, data fide nec opem clamantibus laturus, nec prospecturos de fenestris. Hac lege inter se coniurati, ex iis viginti qua Literati, qua Bonzij post traductam alea noctis patrem, domum nostram inuadunt armati, & reuulsis vetricibus intro se penetrant, quod tanta in turba, ita clam esse non potuit quin strepitu excitus ex familiaribus aliquis, ad fures inclamaret, Patres & Domestici prodirent cum facibus, rati, deprehensos extemplo in fugam se datorios; at enim ij quod furto non poterant, aggressi rapto alportare, aditum sibi securibus faciunt in conclauia intima, familiares plagis excipiunt; Franciscum de Petris in fronte securi vulnerant; Riccio manum tantum non amputant, qui vt opem rogaret, & vitam seruaret, in viam publicam fenestra se misit, ex qua râlente vestigium spatio, pede male luxato, semper deinceps laborauit. Magnis tamen illustum vocibus frustra auxilium, nempe sceleris conscios poscentis, tum lapidum grandine quibus ex edito famulus strenuè rem gerebat, fuga se in cœnobium Quanhiaum ex quo exierant, omiffa præda fures recipiunt. Delato ad capitalium Iudicem crimine cum indicia reo-

34.  
Sciaoceij nimis Christi-feruo. c.

35.  
Fures 20. do. mum inuadunt, & PP. vulnerant.